


皇朝實錄



三十  
六冊

大清世祖體天隆運英睿欽文大德弘功至仁純孝  
章皇帝寔錄卷之六十六

順治九年秋七月庚午朔 享

太廟

辛未

定諸王世子大朝常朝及京城內行走儀仗和碩  
親王用綉紅羅曲柄傘一柄綉紅羅圓傘二柄繡  
紅羅圓扇一對立瓜二對卧瓜二對骨朵二對吾  
仗一對馬四匹多羅郡王用紅羅銷金傘二柄綉  
紅羅圓扇一對立瓜一對卧瓜二對骨朵一對吾

伏二對馬二匹世子馬匹較郡王多二用馬四匹其餘儀仗俱与郡王同

癸酉

補原任副將趙光祖仍以都督僉事管吳淞付將事陞紹興參將陳一貫為徐州付將偏沅巡撫金廷獻報達賊孫可望陷廣西桂林府定南王孔有德自縊吏科右給事中魏裔介言臣聞創業難守成不易古帝王凜乎覆舟馭索之惧誠以驕恣易生而宴安之是為害也我

皇上神聖文武以創業兼守成誠亘古帝王未之或

有然細紀法度尚須修明禮樂刑政寔多缺失欲以立一代之弘規昭子孫之法守未見其久而無弊也方今畿輔多失業之民吳越有水滂之患山左荒蕪不靖閩楚餽餉不給兩河重困于畚鍤三秦奔波于轉運川蜀雖不善後之計未周滇黔不寧進取之方宜裕此皆机務要仰賴

聖慮焦勞者也但高居靜攝不如延訪臣隣批荅詳明何如親承顏色請于逢五日期

上臨正殿朝見群臣從容進接部院科道本章應寔對者寔對應面奏者面奏得以咫尺

天顏親聆睿語則大政大事雷厲風行上下之情通而泰交之運闢矣下所司議 陝西莊浪紅城堡水電傷木

甲戌

欽天監：正湯若里進渾天星球地平日晷苛儀器賜朝衣朝帽靴襪

乙亥

補原任福建左布政使朱鼎新為廣西布政使司左布政使陞陝西按察司于時躍為山西布政使司右布政使福建巡海道叅政范登仕為山西按

察使司按察使江西嶺北道叅政張鳳儀為湖廣按察司按察使補原任陝西關南道付使朱受祐為湖廣布政使司叅政督糧道陞四川小廣道叅議袁一相為本省按察司付使下川東道湖廣武昌府知府王維屏為河南按察司付使通密道荊州府同知李浴日為四川按察司僉事安綿道陝西、安府同知馮嘉會為四川按察司僉事遵義道 降補原任保定巡撫于清廉為山西布政使司叅議口北道 初拜他喇布勒哈番兼一拖沙喇哈番舊法宜歿于陣令其姪庫、禮襲職後目

其廢子護什布控訟仍令護什布襲之以庫、禮  
見任牛录章京於兩次恩詔應得拜他喇布勒哈  
番仍授為拜他喇布勒哈番

丙子

吏部言通判員缺已經裁減所餘不多而節年貢  
生考定應授茲銜者積至八百餘員挨次銓補甚  
至老死無望請照品授布政司經歷正付理間按  
察司經歷知事都布兩司都事運使經歷運判各  
府經歷京縣外縣、丞外衛經歷寺戒仍支正六  
品俸照通判資格陞轉以疏壅滯從之 浙闈總

督陳錦領官兵征海寇鄭成功至漳州灌口為家  
丁刺死以下河決口工成賜總河楊方與河南  
巡撫吳景道管大河道方大猷大梁道李呈祥開  
封知府周荃前開封府知關堯年南河同知楊惠  
心通許縣知縣李永華都司僉書楚進功畢拱微  
等鞍馬蟒袍帽靴白金有差 皇城北門工成名  
地安門 新推陝西提督馬汝龍以足疾不能赴  
任陞王慶坻付將王一正為昂邦章京充鎮守陝  
西提督漢兵總兵官 定廣西經制城守官兵思  
南府付將一員兵一千二百名新太參將一員兵

六百名上思州守備一員兵二百名得格付將一員兵一千二百名鬱林州叅將一員兵六百名賀縣守備一員兵二百名柳慶付將一員共一千二百名河池州叅將一員兵六百名三里守備一員兵二百名永寧昭平叅將各一員兵各四百名以定南王下隨征阿達哈、番馮立爵為思南付將何九成為柳慶付將遊擊馬化麒為得格付將

丁丑

予福建殉難沙縣知縣董濟順昌縣知縣錢佳倫永安縣知縣高成臨大田縣知縣胡天湛祭瘞如

例以故三哥阿達哈、番駱爾噶賤加于其兄額爾克代青二哥公晉額爾克代青為一哥公削所餘拜他喇布勒哈番并拖沙喇哈番

戊寅

吏部察山東道監察御史王秉乾疏請將進士舉人貢監分行取選疏通銓法嗣後揀選舉人以會試三科為限以降陰作養省淹侯報可平南王下右翼總兵官都督同知班志富卒

庚辰

免淮安牙行六七兩年分逋欠稅銀

辛巳

雲南道監察御史楊世學上治河疏曰謹按大禹  
疏河為九道入海宋儒朱熹謂其專就低處下手  
下流通則上流自治元賈讓曰善治川者無貴塞  
之明徐有貞曰埋之則潰者益潰淤者益淤不如  
疏之使平多建閘壩以時啟閉無溢無涸河乃得  
安是治河之道未有不使之多途以入海者也今  
之水勢与前代雖异而實同前代只治河今則兼  
治淮矣淮為河之下流而濱海諸州縣如泰州益  
城興化劉莊白駒諸益塲又淮之下流也各處下

有海口上有閘洧河水暴漲多開閘洧使出海口  
則自無潰決此乃前代已行之效因初居民因新  
昌餘賊緣海道去漸次堵塞繼而水道變為圩田  
豪右蠹胥拋為已有此海口之所塞也海口既塞  
則行船安穩商人便之不樂復開雖有安東廟灣  
亦可入海而流不疏則勢不殺急行壅溢所以潰  
溢上決于開封中決垣宿下決于高寶間有謀議  
及此者而奸人阻撓簧鼓其辭以亂當事者之心  
此所以歲々報工羊々告潰民力重困而功用迄  
無成也乞勅下河漕重臣毋惑浮言毋委屬吏親

至其地熟為相度將海口之處蓋行開浚其漕堤  
開口啟閉各因其時然後循下流而上至河身別  
其淺猛去其淤沙使河身益深足以容水則波不  
及陸而委易達海河南淮右之民庶凡其膠乎倘  
計不出此不惟兩河兩淮永受其害其閘全漕之  
通塞天下之安危者非小也章下部議

壬午

以故一等伯莽古尔岱佐巴特瑪三等精奇尼哈  
番張大猷子應庚三等阿思哈、番查木蘇叔東  
二等阿達哈、番穆濟稜子武際麻三等阿達哈

哈番甘住哈子瓦爾達李其順叔母安拜他喇布  
勒哈番兼一拖沙喇哈番海塞佐巴灵拜他喇布  
勒哈番秦彰和子洪續陣歿拖沙喇哈番巴雅喇  
兄他布岱各襲職  
復布党一等阿達哈、相

癸未

命和碩巽親王滿達海子常阿岱襲爵

上親政及兩上

皇太后尊號

大婚禮成四詔並造

皇太后



皇后冊賜大學士希福等下至筆貼式哈番等官  
馬匹銀幣有差 以造

皇太后

皇后寶賜禮部理事官翁蓋等下至匠役緞疋銀  
布有差 以製

皇太后及

御前

中宮儀仗賜工部理事官覺羅穆成格等下至匠  
役緞疋銀布有差 諭內三院內外題本奏本各  
有格式先已勅禮部議式通示及見內外本章尚

有長短寬窄參差違式者內院即傳諭禮部添加  
申飭務使在京滿漢大小各官在外督撫按下至  
府州縣衛所寺衙門俱畫一遵行

甲申 中元節遣官祭

福陵

昭陵

四祖陵 命和碩敬謹親王尼堪為定遠大將軍統  
官往征河南貴州賜王

御服佩刀鞍馬等物多羅貝勒巴思翰屯齊固山貝  
子扎哈納穆爾祐公韓岱固山額宜爾德梅勒童

京衛正苛蟒衣鞍馬弓矢刀帶有差賜王勅曰茲以張猷忠餘孽孫可望苛逞賊侵擾湖南陷民水火不得不遣兵致討特命王充定遠大將軍統率大兵征勦王膺茲命凡事與諸將同心協謀而行毋謂自知不聽人言毋謂兵強輕視逞叛仍從傾荼勿致踈虞抗拒不順者戮之傾心歸順者旣之總以安民為首務嚴禁兵將申明紀律凡歸順恢復地方軍民不得肆行殺掠朕好生至意其陷賊文武官吏自投來歸俱免罪酌用有功者仍加叙錄勦除逞賊平定貴州後擇善地駐劄馳使奏

聞前証消息須俟旨到行間將領功績及重罪俱察實紀明彙奏各官有犯小過者當即處分至于十長久得搭什庫以下無論大小罪過俱與諸將商酌徃行處分王受茲重任宜殫忠竭力早奏蕩平 禮科給事中劉餘謨請將滿官老病休致者照漢例給與頂帶終身以別于罪廢不職之官其封疆死事者亦照漢官京堂一體議卹以獎勸勞臣章下部議 定喪制凡斬哀期服喪部院衙門官員執事人苛于二次未上坟之前一應塚廟祭祀及慶賀筵宴勿與二次上坟之後各出辦事祭

祀筵宴照常與如二次未上坟之前或有旨令與  
或衙門有不可稽遲公務不在此例昭常行私居  
仍照定制盡喪禮凡大功小功總麻喪都院衙門  
官員執事人等俱照常供職私居盡喪禮

丙戌

江南江西總督馬國柱疏報江閩官兵會勦大覺  
岩賊陣斬偽總兵李金等數十人降偽總兵盧毓  
瑞等十餘人生擒渠魁張自盛斬獲殆盡下所司  
知之 兵刑二部會議查解逃人例凡隱匿逃人  
無論滿漢或僱傭工或賃房屋與居住有保人罪

坐保人僱工賃房之家及地方官隣佑十家長俱  
免罪地方官查送者紀錄如無保人容番逾十日  
者坐隱匿之罪逃人歇宿店家十日之內店主免  
究出十日照例治罪地方官查送者紀錄夫妻父  
子同逃各自歸者隱主免查如一半歸一半仍番  
隱家隱主隣佑十家長照例治罪逃人七十歲以  
上十三歲以下俱盡免責之列今二次脫逃者亦  
免死隱匿之家治罪如逃人被獲于後次隱匿之  
家其先次隱匿之家免究隱匿之家：產給逃人  
之主房地交戶部至逃人自回無隱主者無憑查

究兵部徑行歸結取上報可

丁亥

以色冷為刑部侍郎朱天定為吏部理事官碩巴什為戶部理事官俄博那馬篤祐為兵部理事官森特黑光舒張昕養為刑部理事官羅托為都察院理事官哈什為中城理事官以鑲紅旗多羅貝勒巴爾處渾為滿州固山額真鑲藍旗滿州固山孫塔烏其哈超固山甲喇章京高明忠各為本旗梅勒章京鑲黃旗付理事官哈爾哈齊烏路喀正黃旗理事官羅多洪巴魯魯噶布什吳蝦素丹

正白旗付理事官胡尼牙排喇里正紅旗覺羅阿顏噶布什吳蝦查令噶伯起塔爾巴爾濟鑲白旗理事官額塞布達禮鑲紅旗朱喇禪色訥克正藍旗阿郁席察敏鑲藍旗占塔海雲敦戒齊為探牙喇甲喇章京正黃旗席喇布正白旗俄泰巴魯魯饒賴正紅旗布爾孫雅本鑲白旗瓦爾喀朱馬喇馬都琥鑲紅旗索那木正藍旗巴吉爾鑲藍旗索爾和為甲喇章京以梅勒章京沙爾胡達甲喇章京海塔尼噶禮統官兵駐防寧古塔免河南磁州祥符封丘監陽儀封項城沈丘臨潼縣懷慶

衛八年久河決被災地畝額賦 平西王吳三桂  
定西將軍固山額真墨勒根蝦疏報臣等遣官兵  
招抚漳臘松潘等處攻拔重慶等府勦殺偽總兵  
李廷明等俘獲甚多又久遣梅勒章京代都等願  
官兵圍成都為抚南王劉文秀奔城降遂隨進攻  
嘉定擒斬偽總兵龍名揚蜀疆漸次底定下所司  
察叙 又言蜀地東接三楚西連羌番南通滇黔  
北抵秦隴幅員其廣易亂難治自張逆蹂踐諸偽  
相繼十數年番獫跳梁予遺塗炭仰荷  
皇上軫念殘疆大張揆代雖渠寇三路奔潰東南漸

入版圖然大惡孫可望假借名號鼓煽人心奴聚  
建昌遵義永寧等處抗拒王師未嘗忘情于蜀宜  
早定經制擇衝要設鎮將官兵責成戰守以為久  
安長治之策下兵部議

戊子

諭平西王吳三桂曰王統兵入川戎節各府賊衆  
俱竄民人歸附朕心嘉悅適有川湖總督羅綸錦  
塘報兵部報內有湖南地方官得賊中假刻王告  
示送到總督該督轉報兵部該部以原示具奏朕  
一見即知係逆賊畏王之威計窮力極故設狡謀

反間朕與王誼屬君臣情同父子豈能間之本宜  
即時毀棄但恐王遠處所聞不知來歷特將假告  
示遣內翰林弘文院學士能吐兵部理事官喀齊  
喀巴圖魯傳知以見朕誠信至意前六月二十八  
日有諭王及固山額真墨勒根蝦令相機進兵貴  
州如四川或有渠寇抗持不便移師前進仍着速  
行馳奏之旨今和碩敬謹親王克定遠大將軍統  
大兵于本年七月二十日出都王不時差官丁遠  
哨酌量王師由湖南將進貴州之時王即由四川  
進勦毋得于大兵未到之先輕行深入如四川賊

未盡平兵難前進亦即以寔奏聞

乙丑

和碩敬謹親王尼堪率師出都

上親送至南苑免山東臨邑安丘夏津陵縣荒地

亡丁徭役內院覆吏科給事中高辛條疏

皇上親政首科允宜慎選庶常以光聖治臣等參考  
舊例斟酌時宜擇其年貌合格文字雅醇者充其  
選名數照己丑科例取漢進士四十名查照直有  
大小及近日人材多寡直隸江南浙江各取五名  
江西福建湖廣山東河南各取四名山西陝西各

取二名廣東取一名內拔其尤年青貌秀声音明  
爽者二十名習學滿書餘二十名習學漢書屆期  
恭請

御賜題目考試其滿洲進士取四名蒙古進士取二  
名烏真超哈進士取四名俱選年貌声音合式者  
同漢進士一体讀書進館之後仍不時稽攷敬肆  
勤惰以為優劣用昭

朝廷作養人材之意報可 湖廣四川總督兵部尚  
書都察院右都御史羅繡錦卒

辛卯

天全六番烏思藏董卜黎州長河西魚通寧遠泥  
溪蠻彝沈村寧戎等土司各繳前朝印勅歸順

壬辰

戶部理事官愛馬喀以撥地徇私革職 以故三  
寺阿思哈、番噶思哈子連柱一寺阿達哈、番  
達雅礼巴喬魯孫達哈泰各襲職 以故付將晉  
續子先誠為三寺阿達哈、番提兵楊子蕃子載  
為拜他喇布勒哈番遊擊馬雲瑞子誠為拜他喇  
布勒哈番遊擊何萬里弟萬鍾為拖沙喇哈番  
癸巳

選授進士白乃貞方猷程邑楊紹先湯斌郭棻俞  
鐸熊儕崔玉颺崔之英龔必第盧高耿介韓連芑  
金鉉俞恂吳弘安史彪古張應桂王紀為滿書庶  
吉士周李琬曹尔堪張瑞徵楊士斌薛濬趙曰冕  
楊永寧王元曦錢開宗葉先登呂祖望李昌祚張  
潘周奕封陳采鏡字栻汪燦南陳子達李文煌侯  
于唐為漢書庶吉士

乙未

陞國子監司業李夔棠為國子監祭酒內翰林圀  
史院檢討單若魯為國子監司業 考授刑部郎

中張習孔為山東按察司僉事提學道

丙申

工科右給事中胡之俊言今天下財賦半出東南  
而東南要地莫如蘇浙蘓松嘉湖地勢汗下旧有  
刘家河吳淞江等處引水入海日久壅淤河道成  
田土豪占據多所撓阻年來滄沒飄淪水患見告  
職此之故考地志三吳之水悉匯震澤、廣三  
萬六千頃併溪港諸水勢甚橫烈皆以三江為海  
之踏書所謂三江既入震澤底定是也東江河身  
湮沒久不可稽僅存松江之吳淞蘓州之劉河劉



河即婁江也唐宗元明以三江洩震澤之水始不為害今三吳河道盡塞受禍尤劇則賦重之地悉委波濤百萬糧儲從何措辦請勅部從長計議疏通故道因計民生胥賴之矣章下所司

丁酉

陞吏科都給事中杜立德為太僕寺少卿吏部郎中衛周祚為太僕寺少卿掌河南道監察御史魏瑄為順天府之丞兵科左給事中劉顯績為工科都給事中戶科右給事中杜薦祐為吏科左給事中改補前通政使司右叅議郝傑為光祿寺少

卿

戊戌

索倫部落索郎阿達爾漢等貢貂皮宴賚如例命內大臣公過必陰釐拜已舊魯內大臣哈古屯大學士范文程等傳諭鄭芝龍曰聞尔子弟在福建為乱尔投誠有功毋出城行走恐人借端誣陷即往坟塋祭掃亦必奏明方去朕愛尔故以此言告諭尔子在京有成立者可送一人入侍以一

等阿達哈之番江南提督總兵官祖澤遠為兵部尚書兼都察院右付都御史總督湖廣四川等處

戶部左侍郎陳治河事畧曰謹按黃水自坯宿而下至清河口淮泗之水聚于洪澤湖亦出清河口淮黃交會東入于海然黃強淮弱勢不相敵淮泗逼而南趨直走四百餘里出瓜州儀真方能達江一線運河收束甚緊即有大小閘洞沿途宣洩而海口不開下流塞閉所以河堤潰決修築歲費金錢九載以來八年昏墊海口之當開固刻不容緩者也查海口之在興化泰州鹽城境內者俱被附近奸民將閘門塞滴水不通咽喉重地歲陸沉關係非輕乞勅河漕重臣遴委風厲局官躬

行相度勿聽一偏之言務收兩全之利開鑿深通還其故道淮泗之水消則黃河之勢減平成之績億萬年永賴之矣下所司議定達賴喇嘛使臣

每頭目二名隨從役卒二十八名共賞二等玲瓏鞍馬一銀茶甯一箇重三十兩銀盆一箇緞三十疋毛青梭布四百疋豹皮五張虎皮三張海豹皮五張厄魯得部落我齊爾汗下正使賞羔皮蟒袍一併銀茶甯一個重三十兩銀盆一個緞三疋毛青梭布二十四疋付使賞羔皮蟒袍一件銀茶甯一個重三十兩緞三疋毛青梭布二十四疋其同

來八人賞羔皮補袍各一件猴各三疋毛青核布  
各二十四疋其隨從役使各賞緞一疋毛青核布  
八疋

卷之六十六終

大清世祖體天除運英睿欽文大德弘功至仁純孝  
章皇帝寔錄卷之六十七

順治九年八月庚子朔

精奇尼哈番鄭芝龍以其祖父墳墓俱在原籍福  
建請留繼母及子弟一人在彼其妻妾及二子搬  
取來京又以住房在鑲黃旗而身局正黃旗往來  
未便為言命改隸鄭芝龍鑲黃旗仍官其在京一  
子為二等蝦其德搬取之妻妾及二子即聽搬取  
來京諭兵部曰精奇尼哈番鄭芝龍具奏伊祖  
先墳墓俱在原籍請畱伊母弟并長男着看守伊

一妻一妾兩男搬取來京尔部即行福建督抚除  
伊母弟及長男聽番原籍外其妻妾兩男即填給  
勘合遣人同芝龍所差家人護送來京 以鑲白  
旗擺牙喇甲喇章京喀尔他喇為熏章京

壬寅

以軍功封多羅額駙綽爾濟為鎮國公 督理蘄  
州等處織造工部右侍郎陳有明引疾乞假許之

乙巳

陞天津總兵都督僉事管効忠為昂邦章京克鎮  
守江南提督漢兵總兵官

丙午

定常朝儀注凡朝期

上御太和殿函簿全列奏中和丹陛樂鳴鞭鳴鐘鼓  
內大臣蝦列殿內兩傍王以下輔國公以上集于  
常朝房內文武各官列于午門外其謝恩辭朝陞  
見行礼等官該部久別應在內在外行礼先期奏  
聞親王以下官員以上進爵陞官及王貝勒貝子  
公大臣出征凱旋賞賚及諸恩賜俱于常朝日進  
內聽唱贊行礼烏真超哈漢人官員赴任及外省  
朝覲應礼各官進午門內同滿官行礼應在外行

禮各官俱于午門外行禮遇

上不御朝赴任及朝見官員俱于常朝日集午門外  
行禮外藩王以下公台吉以上來朝及喀爾喀厄  
魯得等部落進貢官員亦於常朝日進內行禮親  
王以下官員以上凡欽命婚娶者或於中和殿或  
於位育宮具朝服行禮不鳴贊遇有賞賚便服行  
禮多羅謙郡王瓦克達薨年四十七

丁未 遣大學士范文程祭

先師孔子

戊申

太宗文皇帝忌辰遣官祭

昭陵祭

大社

大稷遣伯索尼行禮

以胡密茲介山為戶部理事

官敦多和為都察院理事官王光宗為東城理事

官以鑲白旗海護為擺牙喇甲喇章京以鑲

藍旗烏其遜哈固山馬如龍仍為梅勒章京其新

補梅勒章京高明忠仍為甲喇章京

己酉

以蜚英凍北爾虎齊功陞其孫二奇精奇哈尼番

俄黑為一哥精奇尼哈番二哥阿達哈、番多頗  
羅為一哥阿達哈、番

庚戌

太祖武皇帝忌辰遣官祭

福陵 授服闋庶吉士周啟雋為內翰林國史院  
編修

壬子

轉吏部右侍郎孫承澤為本部左侍郎以內翰林  
弘文院學士成克鞏為吏部右侍郎仍兼原銜

癸丑

陞刑部理事官周天成為工部右侍郎督理蘄州  
等處織造

甲寅 寅刻霧起東北四方沉重色白如雨

贈直隸山東河南總提兵部尚書張存仁為太子  
太保廕一子入監讀書 加陝西總督兵部尚書  
孟喬芳太子太保以久任邊疆著有勞績故也

乙卯 月食

丙辰

江南江西總督馬國柱以兩省旱災報聞

上曰荒旱異常朕甚警惻着該督撫按多方救濟地

方有樂輸義助者彙造姓名送部酌奏救荒事宜  
着速議施行

丁巳

諭定遠大將軍和碩敬謹親王尼堪等曰聞賊入  
廣西于七月初四日攻臨桂林府定南王孔有德  
自盡向命王等勦滅河南賊寇平定貴州今勿往  
貴州仍從河南進取寶慶其西安府調發滿洲兵  
將及提督總兵柯永盛官軍同續順公留於寶慶  
王領大軍入廣西相機搜勦賊孽其餘一應事宜  
俱照前勅遵行 諭平南王尚可喜靖南王耿繼

茂曰覽王奏具悉定南王孔有德為國盡忠身歿  
朕甚悼切故遣和碩敬謹親王尼堪為定遠大將  
軍率精銳兵將星速啟行不日即至廣西王等其  
勿前進倘賊廣東王等務計萬全以待大兵毋得  
輕動 平南王尚可喜奏靖南王耿繼茂前率兵  
進取瓊州今瓊州偽部院杜永和為侯張月等親  
詣投誠地方底定邇來粵西告警省會單薄靖南  
王孤軍遠出不無隱憂

上以瓊南底定命靖南王班師還省 陞密雲鎮左  
營叅將李士元為密雲石匣營付將

戊午

諭平西王吳三桂固山額真墨勒根蝦前曾諭尔  
等俟大兵入貴州時尔等亦相機而行今大兵已  
止貴州之行今趨廣西尔等亦不必往可遵前旨  
相機安定四川地方 禮科給事刘餘謨言國家  
錢糧每歲大半皆指兵餉今年直省水旱異常處  
請蠲請賑大兵直取滇黔遠則萬里久必經年  
即旦夕克平亦須番兵鎮守兵飢則叛民窮則盜  
關係非小臣思河南四川兩廣初定地方拋荒  
極多伏祈勅諭統兵諸將及地方官凡遇降寇流

民擇其強壯者為兵其餘老弱悉令屯田河南川  
廣駐防強壯官兵亦擇其強壯者誦武其餘老弱  
給与拋荒空地畊種但不許侵佔有主熟田至川  
廣節選各官未有地方人民者應行裁併俟地墾  
人多再復旧制其俸祿工食可為牛種諸費得旨  
這本說得有理着戶兵二部確議速奏 刑部奏  
巡漕御史張中元劾原任漕督吳惟華疏惟華婪  
贓一萬一千六百餘兩鞫問皆寔罪應死

上念其投誠有功命免死革職永不叙用追贓入官  
已未夕



月於西郊遣伯索尼行礼 陞南贛付將都督余  
事劉伯祿仍以原銜充鎮守廣東潮州提兵官

壬戌

陞陝西榆林東路叅政彭有義為本省按察司按  
察使昌平道叅政張自昌為廣西按察使司按察  
使江南常州府知府祖重光為湖廣按察司付使  
柳桂道江南蕪州府知府祖建衡為福建按察司  
付使巡海道浙江金衢道叅議李際期為江西按  
察司付使嶺北道陝西靖遠道僉事劉景雲為本  
省布政使司叅議閩南道山東兗西道僉事彭欽

為福建布政使司叅議漳南道陝西驛傳道僉事  
高顯光為四川布政使司叅議川東道

乙丑 遣官祭

歷代帝王 遣官祭城隍神 命房山縣知縣

祭金帝陵 更定婚嫁之制和碩親王及和碩

親王未及家之子婚娶用珍珠金銀花綉袍褂

裙妝緞蟒緞素緞衣共九襲蟒緞素緞被褥七床

金項圈一合包一大簪三枝小簪三枝墜子一付

戒指十枚行定時宰牲三十六棹席五十張酒五

十罈娶時宰牲四十五棹席六十張酒六十罈和

碩親王以下輔國公以上異姓公侯伯以下梅勒  
章京侍郎阿思哈、番以上固倫公主和碩親王  
福金以下多羅貝勒女固山貝子福金以上俱會  
宴和碩親王及和碩親王未分家之子娶大臣女  
給予其父蟒朝衣帽帶靴其母蟒袍褂裙金墜玲  
瓏鞍馬二匹金二十兩銀一千兩大臣与和碩親  
王結親聘用玲瓏鞍馬七匹盃甲七付行定及娶  
時桌席牲畜酒筵与和碩親王同和碩親王及和  
碩親王未分家之子娶外藩親王即王扎薩克貝  
勒台吉之女行定時用牲六十三頭等玲瓏鞍馬

一匹頭等盃甲一付三等玲瓏鞍馬一匹三等盃  
甲一付三等雕鞍馬一匹三等盃甲一付銀茶筭  
一蟒緞三疋緞八疋毛青梭布四十二疋娶外藩  
親王女聘用玲瓏鞍馬十二匹盃甲十二付間甲  
二十四付緞六十疋毛青梭布六百疋銀桶一銀  
盆一銀茶筭一娶外藩親王女聘用玲瓏鞍馬十  
匹盃十付間甲二十付緞五十疋毛青梭布五百  
疋銀桶一銀盆一銀茶筭一娶外藩扎薩克貝勒  
女聘用玲瓏鞍馬八匹盃甲八付間甲十六付緞  
四十疋毛青梭布四百疋銀桶一銀盆一銀茶筭

一娶外藩台吉女聘用玲瓏鞍馬六匹盛甲六付  
間甲十二付緞三十疋毛青梭布三百疋銀盆一  
銀茶甯一行定時宰牲四十五娶時宰牲六十三  
外藩親王郡王北薩克貝勒台吉女等若夫婦親  
送來京各給夏衣一襲冬衣一襲貂褂一件頭等  
玲瓏鞵帶一圍腰刀一口弓箭撒袋一付玲瓏盛  
甲一付頭等玲瓏鞍馬二匹蟒緞素緞三十疋毛  
青梭布二百疋銀桶一銀盆一銀茶甯一其隨從  
男婦四人給蟒絨夾朝衣六人給補子夾朝衣十  
人給素緞夾朝衣十人給毛青梭布單朝衣女之

兄弟若來各按時給衣一襲外藩親王郡王北薩  
克貝勒台吉娶和碩親王女行定時用牲六十三  
駱駝三隻馬四匹羊五十六隻宰牲四十五聘用  
馬六十匹牛六十頭羊六百隻娶時宰牲六十三  
和碩格、出嫁資送侍婢八口男婦五戶其財帛  
牲畜及帶乳媪公聽世子多羅郡王及世子多羅  
郡王未分家之子婚娶用珍珠金銀花綉袍褂裙  
粧緞蟒緞素緞衣共八襲蟒緞素緞被褥六床金  
項圈一合包一大簪三枝小簪三枝墜子一付戒  
指八枚行定時宰牲二十七桌席四十張酒四十

殫娶時宰牲三十六桌席五十張酒五十罈和碩親王以下輔國公以上異姓公侯伯以下梅勒章京侍郎阿思哈等皆以上固倫公主和碩親王福金以下多羅貝勒女固山貝子福金以上俱會宴世子多羅郡王及世子多羅郡王未分家之子娶大臣女給予其父蟒朝衣帽帶靴其母緞袍褂裙金墜玲瓏鞍馬一匹皮坐鞍馬一匹金十兩銀七百兩大臣與世子多羅郡王結親聘用玲瓏鞍馬五匹盛甲五付行定及娶時桌席牲畜酒筵與世子多羅郡王同立子多羅郡王及世子多羅郡王

未分家之子娶外藩親王郡王扎薩克貝勒台吉之女行定時用牲六十三頭等鞍馬一匹頭等盛甲一付二等玲瓏鞍馬一匹二等盛甲一付三等玲瓏鞍馬一匹三等盛甲一付銀茶甯一蟒猴三疋猴八疋毛青梭布四十二疋娶外藩親王郡王女聘用玲瓏鞍馬十匹盛甲十付間甲二十付緞五十疋毛青梭布五百疋銀桶一銀盆一銀茶甯一娶外藩扎薩克貝勒女聘用玲瓏鞍馬八匹盛甲八付間甲十六付緞四十疋毛青梭布四百疋銀桶一銀盆一銀茶甯一娶外藩台吉女聘用玲瓏

鞍馬六匹盃甲六付間甲十二付緞三十疋毛青  
核布三百疋銀盆一銀茶筩一行定時宰牲四十  
五娶時宰牲六十三冰藩親王郡王夫婦若親送  
來京各夏衣一襲貂褂一件頭等玲瓏  
鞵帶一圍腰刀一口弓箭撒袋一付玲瓏盃甲一  
付頭等玲瓏鞍馬二匹蟒緞素緞三十疋毛青核  
布二百疋銀桶一銀盆一銀茶筩一其隨從男婦  
四人給蟒緞夾朝衣六人給補子夾朝衣十人給  
素緞夾朝衣十人給毛青核布單朝衣外藩扎薩  
克貝勒台吉夫婦若親送來京各給夏衣一襲冬

衣一襲貂褂一件頭等玲瓏鞵帶一圍腰刀一口  
弓箭撒袋一付頭等玲瓏鞍馬一匹雕鞍馬一匹  
蟒緞素緞二十五疋毛青核布一百五十疋銀桶  
一銀茶筩一其隨從男婦三人給蟒緞夾朝衣五  
人給補子夾朝衣七人給素緞夾朝衣十人給毛  
青核布單朝衣女之兄弟若來各按時給衣一襲  
外藩親王郡王扎薩克貝勒台吉娶多郡王女行  
定時牲六十三駱駝三隻馬四匹羊五十六隻宰  
牲四十五聘用馬五十匹牛五十頭羊五百隻娶  
時宰牲六十三多羅郡王女出嫁資送侍婢七口

男婦四戶其財帛牲畜及帶乳媪乳公從便多羅  
貝勒及多羅貝勒未分家之子婚娶用珍珠金銀  
花綉袍褂裙妝猴蟒緞素緞衣共七襲蟒猴素緞  
被褥五床金項圈一合包一大簪三枝小簪三枝  
墜子一付戒指六枚行定時宰十八桌席三十張  
酒三十罈娶時宰牲二十七桌席四十張酒四十  
罈多羅郡王以下輔國公以上異姓公以下固山  
額真尚書精奇尼哈番以上多羅郡王福金以下  
固山貝子福金多羅貝勒女以上俱會宴多羅貝  
勒及多羅貝勒未分家之子娶大臣女給予其父

蟒朝衣帶靴其母緞袍褂裙金墜玲瓏鞍馬一匹  
間馬一匹金五百兩銀五百兩大臣與多羅貝勒結  
親聘用玲瓏鞍馬四匹盃甲四付行定及娶時棹  
席牲畜酒筵與多羅貝勒同多羅貝勒及多羅貝  
勒未分家之子娶外藩親王郡王扎薩克貝勒台  
吉之女行定時用牲四十五頭等玲瓏鞍馬一匹  
頭等盃甲一付二等玲瓏鞍馬一匹二等盃甲一  
匹銀茶筭一蟒猴二疋緞六疋毛青梭布四十疋  
娶外藩親王郡王扎薩克貝勒之女聘用玲瓏鞍  
馬八匹盃甲八付間甲十六付緞四十疋毛青梭

布四百疋銀桶一銀盆一銀茶甯一行定時宰牲  
二十七娶時宰牲四十五外藩親王郡王夫婦若  
親送來京各給夏衣一襲冬衣一襲貂褂一件頭  
等珍珠鞵帶一束腰刀一口弓箭撒袋一付珍珠  
盃甲一付頭等珍珠鞍馬二匹蟒緞素緞三十疋  
毛青梭布二百疋銀桶一銀盆一銀茶甯一其隨  
從男婦四人給蟒綉夾朝衣六人給補子夾朝衣  
十人給素緞夾朝衣十人給毛青梭布單朝衣外  
藩扎薩克貝勒台吉夫婦若親送來京各按時給  
衣一襲貂褂一件捨獬豸褂一件頭等珍珠鞵帶

一圍腰刀一口弓箭撒袋一付頭等珍珠鞍馬一  
匹蟒緞素緞二十疋毛青梭布二百疋銀茶甯一  
其隨從男婦二人給蟒綉夾朝衣三人給補子夾  
朝衣五人給素緞夾朝衣十人給毛青梭布單朝  
衣女之兄弟若來各按時給衣一襲外藩親王郡  
王扎薩克貝勒台吉娶多羅貝勒女行定時用牲  
三十二駱駝三隻馬四匹羊五十六隻宰牲二十  
七聘用馬四十匹牛四十頭羊四百隻娶時宰牲  
四十五多羅貝勒女出嫁賞送侍婦六口男婦三  
戶其財帛牲畜及帶乳媪乳公從便固山貝子及

固山貝子未公家之子婚娶用珍珠金銀花綉袍褂裙妝猴蟒猴素緞衣共六裝蟒緞素猴被褥四床金項圈一大簪二小簪二墜子一付戒指四枚行定時宰牲十四桌席二十張酒二十罈娶時宰牲二十一桌席三十張酒三十罈多羅貝勒以下輔國公以上本旗梅勒章京侍郎阿思哈、番以上多羅貝勒福金以下固山格、輔公夫人以上俱會宴固山貝子及固山貝子未公家之子娶大臣女給與其父補緞刺服程帶靴帽其母緞袍褂裙墜玲瓏鞍馬一匹銀四百兩大臣與固山貝子

結親聘用玲瓏鞍馬三匹盃甲三付其行定及娶時桌席牲畜酒筵與固山貝子同固山貝子及固山貝子未公家之子娶外藩親王郡王扎薩克貝勒台吉之女行定時用牲二十七頭等玲瓏鞍馬一匹頭等盃甲一付銀茶桶一蟒猴一疋緞四疋毛青梭布十八疋聘用玲瓏鞍馬六匹盃甲六付間甲十二付緞三十疋毛青梭布三百疋銀盆一銀茶甬一行定時宰牲十八娶皆宰牲二十七外藩親王郡王夫婦若親送來京給夏衣一襲冬衣一襲貂褂一件頭等玲瓏程帶一圍腰刀一口弓



箭撒袋一付玲瓏盔甲一付頭等玲瓏鞍馬二匹  
蟒緞素緞三十疋毛青梭布二百疋銀桶一銀盆  
一銀茶甯一其其隨從男婦四人給蟒絨夾朝衣  
六人給補子夾朝衣十人給素緞夾朝衣十人給  
毛青梭布單朝衣外藩扎薩克貝勒台吉夫婦若  
親送來京各給時衣一襲貂褂一件狐皮褂一件  
頭等玲瓏鞵帶一圍腰刀一口弓箭撒袋一付頭  
等玲瓏鞍馬一匹蟒緞素緞十五疋毛青梭布七  
十疋銀茶桶一其隨從男婦一人給蟒絨夾朝衣  
二人給補子夾朝衣四人給素夾朝衣八人給毛

青梭布單朝衣女之兄弟若來各按時給衣一套  
外藩親王郡王扎薩克貝勒台吉娶固山貝子女  
行定時用牲六十三駱駝三隻馬四匹羊五十六  
隻宰牲十八聘用馬三十匹牛三十頭羊三百隻  
娶時宰牲二十七固山格：出嫁賞送侍婢五口  
男婦二戶其財帛牲畜及帶乳媪公所便鎮國公  
及鎮國公未成家之子婚娶用袍褂裙妝緞蟒緞  
素緞衣共五套蟒緞素緞被褥四床金項圈一大  
簪二枝小簪二枝墜子一付戒指四枚行定時宰  
牲十三桌十八張酒十八罈娶時宰牲十七桌席

二十八張酒二十八罈固山貝子以下奉國將軍  
以上固山貝子福金固山格：以下奉國將軍夫  
人公之女及本屆官員俱會宴鎮國公及鎮國公  
未久家之子媿大臣女給予其父補緞朝衣鞵帶  
靴帽其母緞袍褂裙金墜皮坐鞍馬一匹銀三百  
兩大臣與鎮國公結親聘用玲瓏鞍馬二匹盃甲  
二付行定及媿時桌席宰牲酒筵與鎮國公同鎮  
國公及鎮國公未久家之子娶外藩親王郡王扎  
薩克貝勒台吉之女行定時用牲十八頭苜蓿  
鞵馬一匹頭苜蓿盃甲一付銀茶桶一罈緞一疋素

緞二疋毛青梭布十一疋聘用玲瓏鞍馬五匹盃  
甲五付間甲十付緞二十五疋毛青梭布二百五  
十疋銀盆一銀茶桶一行定時宰牲十八娶時宰  
牲二十七外藩親王郡王夫婦若親來京各給夏  
衣一套冬衣一套貂褂一件頭苜蓿玲瓏鞵帶一束  
腰刀一口弓箭撒袋一付玲瓏盃甲一付頭苜蓿  
瓏鞍馬二匹罈緞素緞三十疋毛青梭布二百疋  
銀桶一銀盆一銀茶甬一其隨從男婦四人給罈  
綉夾朝衣六人給補子夾朝衣十人給素緞夾朝  
十人給毛青梭布單朝衣外藩扎薩克貝勒台吉

夫婦若親送來京各按時給衣一套貂褂一件狐  
皮套一件頭等玲瓏鞵帶一圍腰刀口一弓箭撒  
袋一付頭等玲瓏鞍馬一匹蟒緞素緞十五疋毛  
青梭布七十疋銀茶桶一具隨從男嬪一人給蟒  
繡夾朝衣二人給補子夾朝衣四人給素緞夾朝  
衣八人給毛青梭布單朝衣女之兄弟若來各按  
時給衣一套外藩親王郡王扎薩克貝勒台吉娶  
鎮國公女行定時用牲六十二駱駝三隻馬四匹  
羊五十六隻宰牲十八聘用馬二十五匹牛二十  
五頭羊二百五十隻宰牲二十七鎮國公之女出

嫁資送侍婢四口男婦二戶其財帛牲畜及帶乳  
媪公聽便輔國公及輔國公未分家之子婚娶用  
袍褂裙妝緞蟒緞素緞衣共四套蟒緞素緞被褥  
三床金項圈一大簪二枝墜子一付戒指四枚行  
定時宰牲十一桌席十六張酒十六罈娶者宰牲  
十五桌席二十六張酒二十六罈鎮國公以下奉  
國將軍以上固山格、鎮國公夫人以下奉國將  
軍夫人公之女及本局官員俱會宴鎮國公及  
鎮國公未分家之子娶大臣女給予其父補緞  
朝衣鞵帶靴帽其母緞袍褂裙金墜皮坐鞍馬

一匹銀三百兩大臣與輔國公結親聘用璽瓏鞍  
馬二匹盛甲二付其行定及娶時桌席牲畜酒筵  
與輔國公同輔國公及輔國公未分家之子娶冰  
藩親王郡王扎薩克貝勒台吉之女行定時用牲  
九頭等玲瓏鞍馬一匹頭等盛甲一付銀桶一罉  
緞一疋素緞二疋毛青梭布二十疋聘用玲瓏鞍  
馬四匹盛甲四付間甲八付緞二十疋毛青梭布  
二百疋銀盆一銀茶桶一行定時宰牲十八娶時  
宰牲二十七外藩親王郡王夫婦若送來京各給  
夏衣一套冬衣一套貂褂一件頭等玲瓏鞵帶一

圍腰刀一口弓箭撒袋一付玲瓏盛甲一付頭等  
玲瓏鞍馬二匹罉緞素緞三十疋毛青梭布二百  
疋銀桶一銀盆一銀茶筒一具隨從男婦四人給  
罉繡夾朝衣六人給補子夾朝衣十人給素緞夾  
朝衣十人給毛青梭布單朝衣外藩扎薩克貝勒  
台吉夫婦若親送來朝京各按旨給衣一套貂褂  
一件狐皮褂一件頭等玲瓏鞵帶一圍腰刀一口  
弓箭撒袋一付頭等玲瓏鞍馬一匹罉緞素緞十  
五疋毛青梭布七十疋銀茶筒一具隨後男婦一  
人給罉繡夾朝衣二人給補子夾朝衣四人給素

緞夾朝衣八人給毛青梭布單朝衣女之兄弟若  
來京按時給衣一袋外藩親王郡王扎薩克貝勒  
台吉娶輔國公女行定時用牲六十三駱駝四隻  
馬四匹羊五十六隻宰牲十八聘用馬二十五匹  
牛二十五頭羊二百五十隻宰牲二十七輔國公  
女出嫁資送侍婢三口男婦二戶其財帛牲畜及  
帶乳媪乳公聽便和碩親王世子多羅郡王之女  
下嫁在朝及外藩之人娶時和碩親王進  
上牛一隻羊一隻酒二罈世子多羅郡王進  
上牛一隻羊一隻酒二罈多羅貝勒以下俱免進和

碩親王以下如奉

上諭結婚其行定及娶時俱謝恩一次異姓公及異  
姓公未分家之子婚娶用緞衣五套緞被褥三床  
金項圈一金簪三枝金墜一付行定時用羊九隻  
酒二十五罈娶時宰猪羊十四口桌席二十張酒  
二十罈侯及侯未分家之子婚娶用緞衣五套緞  
被褥三床金項圈一金簪三枝金墜一付行定時  
用羊八隻酒二十三罈娶時宰猪羊十三口桌席  
十八張酒二十七罈伯及伯未分家之子婚娶時  
用緞衣五套緞被褥三床金項圈一金簪三枝金

墜一付行定時用羊七隻酒二十二罈娶時宰猪  
羊十二口卓席十七張酒二十六罈一品官及一  
品官未分家之子婚娶用緞衣四套緞被褥三床  
金項圈一金簪三枝金墜一付行定時用羊六隻  
酒二十罈娶時宰猪羊十口卓席十五張酒二十  
五罈二品官及二品官未分家之子婚娶用緞衣  
三套緞被褥二床金項圈一金簪三枝金墜一付  
行定時用羊四隻酒十五罈娶時宰猪羊八口棹  
席十張酒二十罈三品官及三品官未分家之子  
婚娶用緞衣三套緞被褥二床金項圈一金簪二

枝金墜一付行定時用羊三隻酒十罈娶時宰猪  
羊六口卓席八張酒十五罈無品級宗室及四品  
官四品官未分家之子婚娶用緞衣二套緞被褥  
一床金項圈一金墜三付行定時用羊二隻酒八  
罈娶時宰猪羊五口卓席六張酒十二罈無職覺羅  
及五品官五品官未分家之子婚娶用緞衣二套  
緞被褥一床金項圈一金墜一付行定時用羊二  
隻酒八罈娶時宰猪羊一口卓席五張酒十罈六  
品以下有項帶官員以上及未分家之子婚娶用  
緞衣二套緞被褥一床金項圈一金墜一付行定

時用羊二隻酒五罈娶時宰猪羊三口酒八罈庶民婚娶用衣一套被褥一床金耳環一付行定時用羊一隻酒三罈娶時宰羊二口酒五罈

丁卯

諭兵部曰前將貯庫弓箭久給各固山原令其毀弓用筋毀箭用鉄近聞所給弓箭俱散賣各處若用此弓箭必致更壞式樣自今以後凡有此等弓箭俱着拆毀取用筋鉄不許存番如有始旧存番使用被人拏獲者治罪不宥尔部即刊刻告示嚴禁仍行各地方官一体遵行以鑲白旗蒙古固

山額真綽拜不祿賤鑲黃旗滿洲梅勒章京布克沙蒙古梅勒章京錫喇巴雅拉正紅旗滿洲梅勒章京印占蒙古梅勒章京覺羅牙巴海正藍旗蒙古梅勒章京阿濟拜老疾俱勒令致仕戶部左侍郎王永吉言臣見直隸河南山東山西皆報大水江南江北湖廣浙江皆稱大旱各鎮戢守官兵日索本折糧餉勢迫兩難事須兼顧臣謂來年兵馬之餉當預籌于今歲而飢民冬春之苦宜急救于秋前伏望

皇上遠慮深思克謹天戒傳罷遊觀減撤音樂董戒

臣工宴園修省召見滿漢內院九卿科道諸臣各抒所見如何清兵如何足餉安民以何事為先救荒以何事為急衆議僉同恭請

聖斷立見施行得旨這本說的是王永吉必有良策着詳明奏來核餉清兵原係一事救荒靖寇如何兩便着戶兵二部會同確議速奏諸臣有真見者亦許直陳方畧不得泛論 廣東雷州府颶風摧城壞屋擊死人畜甚多

戊辰

達賴喇嘛奏朝之地或在歸化城或在代噶地方

抗拒不順者戮之迫而復降者誅之有先被賊脅從聞大兵一至即時迎降者俱免誅戮如有殺賊擒賊投降者仍分別陞賞務以安民為首務須嚴禁兵將申明紀律凡歸順人民毋得擾害務體朕定亂安民之至意行間將領功罪察寔紀明類奏有犯小過者當即處久至于分得撥什庫十長以下除死罪外其餘大小罪過俱與衆將商酌在行處久爾受茲重任宜益竭力盡忠勉之欽此 以阿魯蟒堅尼雅尼哈博通義馬喇布瞻沙爾圖為戶部理事官



甲申

戶部言有商人二十八名往日本國貿易回時遇大風飄至朝鮮被國人執之並貨物俱解送前來細詢商人皆言明未前往貿易非本朝私行飄海者請旨定奪

上曰朝鮮送來二十八人皆係本朝赤子飄流外國殊可憫念着發回原籍其原貨俱着本人領去以綽克拖為刑部理事官諭隱匿逃人者止令本犯家產給主其父兄弟等不相干涉者不得株連  
以內翰林秘書院學士劉清泰為共

欽  
伏  
惟

上裁諭達刺喇嘛曰朕欲出邊躬迎回內地西南盜發羽書時聞國之大務難以輕置用是不克出邊遠迎特遣親王大臣前往俟靖敵無事便回親行唯于邊內近地相近可耳  
已已

命故和碩端重親王博洛子齊克新多羅順承郡王勒克德渾子勒爾錦襲爵

卷之六十七終

